

Na temelju člana 24. Zakona o udrugama i fondacijama („Službene novine Federacije BiH“ br.45/02) Upravni odbor Fondacije za stipendiranje učenika i studenata „Idriz Jakupović“, dana 22. maja 2016. godine, donosi:

## **STATUT** **Fondacije za stipendiranje učenika i studenata „Idriz Jakupović“**

### **I Temeljne odredbe**

#### **Član 1.**

Statutom Fondacije za stipendiranje učenika i studenata (u daljnjem tekstu: Statut), uređuje se:

- a) naziv, skraćeni naziv i sjedište fondacije;
- b) ciljevi i djelatnosti fondacije;
- c) organe fondacije, način njihovog izbora, nadležnost, kvorum, pravila glasanja te uslove i proceduru njihovog raspuštanja;
- d) pravila upravljanja i korištenja imovine fondacije;
- e) moguće korisnike sredstava fondacije;
- f) postupak za izmjenu i dopunu statuta, kao i ovlaštenje i postupak donošenja ostalih općih akata;
- g) uvjeti i postupak za pripajanje, razdvajanje, transformaciju ili prestanak rada fondacije, uključujući sva pravila glasanja za koja je potreban poseban kvorum ili kvalifikovana većina;
- h) kriteriji za raspolaganje imovinom fondacije u slučaju prestanka rada fondacije;
- i) opis oblika i sadržaja pečeta i znaka fondacije.

Statutom se uređuju i druga pitanja od značaja za ciljeve i djelatnost fondacije.

Puni naziv Fondacije je:

Fondacija za stipendiranje učenika i studenata „Idriz Jakupović“,  
Zaklada za stipendiranje učenika i studenata „Idriz Jakupović“

Фондација за стипендирање ученика и студената „Идриз Јакуповић“  
(u daljnjem tekstu: Fondacija).

Skraćeni naziv Fondacije za stipendiranje učenika i studenata „Idriz Jakupović“ je:

Fondacija „Idriz Jakupović“.

Zaklada „Idriz Jakupović“

Фондација „Идриз Јакуповић“

Sjedište Fondacije je u Sanskom Mostu, Stanična br.3.

#### **Član 2.**

Ciljevi fondacije su:

- stipendiranje učenika i studenata, slabijeg imovinskog stanja u Bosni i Hercegovini,
- stipendiranje učenika i studenata iz Bosne i Hercegovine i naših sunarodnika iz dijaspor na školama i univerzitetima u Bosni i Hercegovini i inostranstvu,
- pomoć pri objavljivanju stručnih radova, publikacija knjiga,
- pomoć pri upisu na fakultete i pri zapošljavanju mladih stručnih kadrova

Djelatnosti Fondacije su:

- organiziranje donatorskih konferencija, izložbi, prezentacija, istraživačkih kolonija, simpozija, kongresa i okruglih stolova
- organiziranje i podupiranje znanstveno-istraživačkog i stručnog rada na teme značajne za ciljeve Fondacije,
- poticanje organiziranja i razvoja udruženja značajnih za ostvarivanje ciljeva Fondacije,
- podupiranje ekonomskih projekata koji su sukladni ciljevima Fondacije,
- ostvarivanje kontakata s odgovarajućim institucijama i udrugama u BiH i svijetu.

## II Upravni odbor

### Član 3.

Fondacijom upravlja Upravni odbor, koji ima tri člana.

Članove Upravnog odbora imenuju osnivači Fondacije, na razdoblje od četiri godine.

Upravni odbor ima predsjednika kojega članovi Upravnog odbora biraju između sebe.

### Član 4.

Mandat članova Upravnog odbora je četiri godine, a može prestati prije utvrđenog vremena u sljedećim slučajevima:

- podnošenjem obrazložene ostavke člana Upravnog odbora,
- razrješenjem od osobe ovlaštene od osnivača zbog nepridržavanja programskih ciljeva u radu Fondacije „Idriz Jakupović“ ili zbog postupanja suprotno aktima Fondacije „Idriz Jakupović“ ili zbog postupanja koje narušava ugled Fondacije „Idriz Jakupović“.

### Član 5.

Upravni odbor:

- ostvaruje ciljeve Fondacije utvrđene statutom,
- upravlja imovinom Fondacije,
- priprema i vrši izmjene i dopune Statuta, te donosi druge akte potrebne za rad Fondacije sukladno Zakonu i Statutu,
- imenuje osobu ovlaštenu za zastupanje i predstavljanje Fondacije,
- odlučuje o pripajanju, razdvajanju, transformaciji i prestanku rada Fondacije,
- priprema financijska i druga izvješća,
- vrši druge poslove sukladno Zakonu i Statutu.

### Član 6.

Upravni odbor može raspravljati i odlučivati ako je sjednici nazočna natpolovična većina članova Upravnog odbora.

Akte Upravnog odbora potpisuje predsjednik Upravnog odbora.

### Član 7.

Predsjednik saziva sjednice Upravnog odbora prema potrebi, a najmanje dva put godišnje.

## III Donošenje statuta i općih akata

### Član 8.

Statut Fondacije donosi Upravni odbor.

### Član 9.

Izmjene i dopune Statuta donosi Upravni odbor većinom glasova članova Upravnog odbora.

Opće akte Fondacije donosi Upravni odbor, većinom glasova članova Upravnog odbora .

## IV. Zastupanje i predstavljanje

### Član 10.

Fondaciju vodi, zastupa i predstavlja direktor Fondacije (u daljnjem tekstu: direktor), koga bira Upravni odbor, a to mora biti osoba koja svojim znanjem i ugledom može reprezentativno predstavljati Fondaciju.

### Član 11.

Direktor obavlja sljedeće poslove:

- provodi osnovnu politiku Fondacije,
- izvršava odluke Upravnog odbora,
- uz suglasnost Upravnog odbora, zaključuje ugovore u ime i za račun Fondacije,
- donosi odluke, rješenja, financijske planove, završni račun Fondacije i druge akte predstavljanja i rukovođenja Fondacijom,
- Upravnom odboru podnosi financijsko izvješće i izvješće o radu Fondacije najmanje jednom godišnje,

- obavlja i druge poslove utvrđene ovim Statutom.

U slučaju spriječenosti ili odsutnosti direktora, Fondaciju predstavlja i zastupa član kojeg imenuje Upravni odbor.

#### **Član 12.**

Direktor ne može, bez suglasnosti Upravnog odbora, raspolagati imovinom Fondacije (stjecati, opterećivati, potvrđivati) čija vrijednost prelazi 2.000,00 KM.

#### **Član 13.**

- Mogući korisnici sredstava fondacije su učenici i studenti slabijeg materijalnog stanja u Bosni i Hercegovini.
- Učenici i studenati iz Bosne i Hercegovine i naših sunarodnika iz dijaspore na školama i univerzitetima u Bosni i Hercegovini i inostranstvu.
- Učenici i studenti pri objavljivanju stručnih radova, publikacija knjiga.

### **V. Financiranje Fondacije**

#### **Član 14.**

Financiranje djelatnosti Fondacije vrši se: iz osnivačkog uloga osnivača, dobrovoljnim prilozima, darovima fizičkih i pravnih osoba, sredstvima dodijeljenim iz proračuna, prihodima od kamata, zakupnina, honorara i sličnih izvora pasivnih prihoda stečenih sukladno Zakonu i Statutu.

#### **Član 15.**

Fondacija može radi ostvarivanja svojih statutarnih ciljeva i djelatnosti utemeljiti subjekte za ekonomsku i drugu djelatnost, pod uvjetima utvrđenim zakonom.

Dobit koju Fondacija ostvari iz neposrednih ekonomskih djelatnosti može se upotrijebiti samo za ostvarivanje ciljeva koji su utvrđeni Statutom.

#### **Član 16.**

Radi ostvarivanja svojih ciljeva i djelatnosti Fondacija može na neodređeno ili određeno radno vrijeme upošljavati djelatnike i sklapati različite vrste ugovora o djelu.

Sukladno zakonu, direktor uz suglasnost Upravnog odbora sklapa ugovore o radu.

Fondacija za svoje obveze odgovara cijelom svojom imovinom.

### **VI Finansijski izvještaji i izvještaji o radu**

#### **Član 17.**

Finansijski izvještaj i izvještaj o radu fondacije usvaja Upravni odbor uz saglasnost Osnivača.

#### **Član 18.**

Izmjene i dopune ovog Statuta donosi Upravni odbor Fondacije uz saglasnost Osnivača, kao i donošenje ostalih općih akata.

#### **Član 19.**

Radi ostvarenja svojih ciljeva Fondacija uspostavlja kontakte i saraduje sa drugim udruženjima i organizacijama u zemlji i inostranstvu.

#### **Član 20.**

U slučaju prestanka rada Fondacije Upravni odbor, uz suglasnost osnivača, odlučuje o raspodjeli imovine Fondacije poštujući zakonske obveze.

### **VII. Pristupanje Fondaciji**

#### **Član 21.**

Fondaciji mogu pristupiti sve fizičke i pravne osobe pod jednakim uvjetima.

Trenutkom pristupa Fondaciji, pod uvjetom utvrđenim ovim Statutom, pristupnik stiče jednaka prava i obveze kao i osnivači Fondacije.

**Član 22.**

Fondacija u svom radu koristi pečat okruglog oblika, promjera 30 mm, s tekстом:  
Fondacija za stipendiranje učenika i studenata „Idriz Jakupović“, Sanski Most.

**Član 23.**

Fondacija ima znak, plavi kvadrat zaobljenih čoškova u čijem središtu se nalaze početna slova, bijele boje, iz naziva Fondacije (FIJ). Ispod znaka je ispisan tekst: „Fondacija Idriz Jakupović“, plave boje.

**Član 24.**

Ovaj Statut stupa na snagu danom donošenja, a objavit će se na oglasnoj ploči Fondacije.

Sanski Most, 22. maj 2016. godine

Broj protokola: 03/16.

U Sanskom Mostu, 22.05.2016.